



Mini Komité revizasaun Orsamentu (KRO) ba Finalizasaun Proposta Orsamentu Retifikativu 2023

Iha loron 28 de Julu 2023 to'o 01 Agosto 2023 Ministériu Finansas, organiza sesaun traballu ne'ebé hetan orientasaun husi Primeiru-Ministru IX Governu konstitusional, Sua. Exelênsia Kay-Rala Xanana Gusmão hodi realiza Mini Komité revizasaun Orsamentu (KRO) ba finalizasaun proposta Orsamentu Retifikativu 2023.

Iha sesaun traballu ne'e presidi husi Primeiru-Ministru, IX Governu konstitusional no Membru ba komite revizaun orsamentu retifikativu maka hanesan;

- S.E., Francisco Kalbuadi Lay, Vise-Primeiru-Ministru, Ministru koodenadór asuntus ekonómikus no Ministru Turizmu no Ambiente.
- S.E., Mariano "Assanami" Sabino Vise-Primeiru-Ministru, Ministru koodenadór asuntus sosiais no Ministru dezenvolvimentu Rurál no Abitasaun Komunitária.
- S.E., Santana José Rodrigues F. Viegas Cardoso Ministra Finansas.
- S.E., Samuel Marçal Ministru Obras públicas.
- S.E., Gastão Francisco de Sousa, Ministru Planeamentu no investimentu estratéjiku

Bazeia ba kalendaru ne'ebé mak iha, kada liña Ministeriais halo aprezensaun tuir kalendaru no oráriu sira ne'ebé Ministériu Finansas distribui ona ba kada liña Ministériu sira ida-idak, Sesaun traballu ne'e halo iha Torre Ministériu Finansas Aitarak-Laran, Salaun: Auditorium Kay-rala Xanana Gusmão.

Durante reuniaun ne'e hala'o Komité ne'e rasik hetan apoiu husi Diresaun jeral Planeamentu no orsamentu (DJPO) Sekretariadu Grande projetu, Ajénsia Dezenvolvimentu Nasional (ADN) Komisaun Nasional Aprovizionamentu Nasional (CNA) ho Gabinete Ezekutivu Ministeriu Finansas hanesan sekretrariadu ba KRO Retifikativu 2023.

